

И ВИДЗӨДӨНЫ МИЯН ВЫЛӨ МАТЫССАЯС ДА ТӨДСАЯС

12.09.2013 КОМИ МУ



1938 во, 6 класс.

«Коми муын» гижлім нин, мый Михаил Лебедев нима библиотекаын зільысьяс да юркарын землячествоо пырысьяс аслыснога пасйоны Көрткерөс сиктлы 405 во тырөмсö: важ фотояс корсьөмөн да выстав- каяс вöчөмөн.

Со кольөм луньясö, сентябрь заводитчигөн, воссис нöшта öти — нельöд. И сиöма сийöс, дерт жö, велöдчан во заводитчöмлы.

Уна восайса 25 фото. И быд снимок вылысь видзөдö тэ вылө История. Со эталөн мышкас гижöма «1938 во, 6 класс». Снимайтчысьяс пöвстысь, дерт, унджыкыс абу нин ловья, но синмыд корсьö тöдса чужöм. А талөн пасйöма «1945 во, март 15 лун». И видзөдö сы вывсьянь менам мамöй, а улi радас шö-рас пукалö мичасьыс-мича Луиза Потолицына, кодi сёрнджык лоис нималана гижысь Александр Рекемчуклөн гöтырөн. А со сералөмсорөн челядь школа йöрын тэчöны пес. Тöдмалi Валентина Алексеевна Силаеваöс. 1948 вося снимок вылын — Мария Григорьевна Худяева. Том, мича, шуда.

Окота водзö и водзö видзөдны на вылө. Видзөдны да казтьывны найöс, кодьяс чужан сикт сöвмөдөмö пуктисны став вын-эбöссö.

Волöй и тi, гашкö, ме моз жö тöдсаяснытö аддзыланныд. Кодi ловья — асьсö видзөдлас, а кодi абу нин таладор югыдас, казтьылөмсьыс лолыслы мөдарьяюгыдас долыдджык лöб.

А ми кутам нöшта выль выставка дасьтыны...

Надежда БЫКОВСКАЯ.



Урок нүөдö
Валентина Дмитриевна Серова.



1979 во. Выль школа восьтiгөн.



60-öд вося.



1962 во. Көрткерөсса челядь
Москван асланыс велöдысьяскөд.